

Linea ueri motus Solis est quæ à centro mundi ducta per centrum Solaris corporis ad zodiacum extenditur. Et uerus Solis motus siue apparet in zodiaco ab initio Arietis usq; ad hanc lineam computatur.

Linea mediæ motus Solis est, quæ à centro mūdi usq; ad zodiacum dicitur, ei æquidistantis quæ à centro deferentis ducta intelligitur ad Solaris corporis centrum. Et medius motus siue æqualis à principio Arietis usq; ad lineam mediæ motus computatur. Initium Arietis appellamus Vernam sectionem ecliptice octauæ sphere, non imaginis initium, sed secundum Purbach. sectio est eclipticæ primi mobilis & æquinoctialis.

Argumentum Solis est arcus eclipticæ inter lineam augis & lineam mediæ motus Solis, & est similis arcui eccentrici inter ipsam augis lineam & centrum Solis in peripheria ab ipso Solis centro annua revolutione descripta.

Æquatio siue diuersitas inter æqualem motum & apparentem est arcus eclipticæ inter ipsas duas lineas æqualis motus & apparentis.

Quando nihil argumenti habetur, aut sex communia signa quæ gradus 180. complectuntur, nihil æquationis habetur, propter linearum ueris nec non æqualis motus coniunctionem.

Sole existente in linea à centro mūdi ducta super lineam augis perpendiculari, quam quidem Purbach. mediæ longitudinis appellat. Ptol. uero medium transitum maxima fit æquatio siue diuersitas. In alijs autem locis pro argumenti uarietate uersus augē & oppositū augis decrescunt.

Quando argumentum minus est 6. signis, linea mediæ motus lineam ueri præcedit: & idcirco æquatio tunc subtrahitur ab inuerto medio motu, ut uerus relinquatur. Sed quando argumentum maius est 6. signis linea ueri motus lineam mediæ præcedit: & propterea additur æquatio medio motui, ut uerus inueniatur.

Annotatio prima.

Exactissimis observationibus ingressus Solis in æquinoctialia puncta anni quantitas cognoscitur. Per quam quidem si gradus 360. diuiserimus, æqualis Solis motus unius diei patefiet. Et ad hunc modum tabula mediæ motus Solis numeratione composita est. Ex medio autem motu cognito, & ingressu Solis in æquinoctialia & Solstitialia puncta, locus augis innotescet Geometrico syllogismo: & proportio quoq; semidiæmetri referentis ad distantiam centrorum Atq; ex his argumenti magnitudo ad omnem situm, & æquatio siue diuersitas inter æqualem motum & apparentem in rectilineo triangulo, in quo semidiæmeter referens cum distantia centrorum angulum continet distantiae Solis ab opposto augis: basis uero distantia est eiusdem à mundi centro. Horum demonstrationes apud Ptolemæum sunt in libro tertio Magnæ compositionis.